

II. OSTVARIVANJE PRAVA

Član 4.

(Rješavanje o pravima)

- (1) Povratnici koji su ostvarili prava iz člana 1. ove odluke, zadržavaju ta prava povratkom u mjesto prebivališta u Republici Srpskoj.
- (2) Po zahtjevima za ostvarivanje prava iz člana 1. ove odluke u prvostepenom upravnom postupku rješavaju nadležni organi, u skladu sa zakonom i drugim propisima, u najbližem mjestu prebivališta povratnika, odnosno općine u kojoj je povratnik imao posljednje boravište.

Član 5.

(Drugostepeno rješavanje)

Za rješavanje po žalbama na akte prvostepenog organa iz člana 4. ove odluke nadležno je Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo za boračka pitanja Kantona Sarajevo i Ministarstva zdravstva Kantona Sarajevo.

Član 6.

(Finansiranje)

Finansiranje prava iz člana 1. ove odluke vrši se u skladu sa raspoloživim sredstvima određenim za ove namjene - sa pozicije Ministarstva za rad, socijalnu politiku, raseljena lica i izbjeglice Kantona Sarajevo, Ministarstva za boračka pitanja Kantona Sarajevo, sa pozicije Ministarstva zdravstva Kantona Sarajevo i Zavoda zdravstvenog osiguranja Kantona Sarajevo u dijelu proširenog obima prava koji se odnosi na korištenje ortopedskih pomagala, lijekova, medicinskih sanitetskih sprava i materijala za ratne invalide.

III. PRELAZNE I ZAVRŠNE ODREDBE

Član 7.

(Ravnopravnost spolova)

Gramatička terminologija korištenja ženskog ili muškog roda u ovoj odluci podrazumijeva uključivanje oba roda.

Član 8.

(Primjena Odluke)

Ova odluka će se primjenjivati do konačnog povratka.

Član 9.

(Prestanak važenja odluka)

Stupanjem na snagu ove odluke, prestaje da važi Odluka o privremenom finansiranju prava iz osnova socijalne i zdravstvene zaštite povratnika iz Kantona Sarajevo na područje Grada Sarajeva iz 1991. godine koje je Dejtonskim sporazumom pripalo entitetu Republika Srpska ("Službene novine Kantona Sarajevo", broj 9/04) i Odluka o pravima povratnika iz Kantona Sarajevo na područje Grada Sarajeva iz 1991. godine koje je po Dejtonskom sporazumu pripalo entitetu Republika Srpska ("Službene novine Kantona Sarajevo", broj 19/04).

Član 10.

(Stupanje na snagu Odluke)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-21100/11
28. juna 2011. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 7. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", br. 9/07-Prečišćeni tekst, 7/08 i 33/08), a u vezi sa članom 33. Zakona o zdravstvenom osiguranju ("Službene novine

Federacije BiH", br. 30/97 i 7/02), Skupština Kantona Sarajevo, na sjednici održanoj 28. juna 2011. godine, donijela je

ODLUKU

O IZMJENI I DOPUNI ODLUKE O PROŠIRENOM
OBIMU PRAVA ZA KORIŠTENJE ORTOPEDSKIH
POMAGALA, LIJEKOVA,
MEDICINSKO-SANITETSKIH SPRAVA I
MATERIJALA ZA RATNE VOJNE INVALIDE SA
PODRUČJA KANTONA SARAJEVO

Član 1.

U Odluci o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo ("Službene novine kantona Sarajevo", broj 13/04, 11/06) član 6. stav 1. se mijenja i glasi:

"Ratni vojni invalidi se oslobađaju participacije za lijekove sa liste lijekova koji se propisuju i izdaju na teret sredstava obaveznog zdravstvenog osiguranja Kantona Sarajevo."

Član 2.

U članu 8. u stavu 2. u dijelu teksta koji se odnosi na podatke, riječ: "Zavoda" zamjenjuje se riječju: "Ministarstva".

U tački 2. iza alineje 2. dodaje se nova alineja 3. koja glasi:
- proteza stopala kod amputacije stopala po Chopart-u 1.350,00

U tački 18. u alineji 1. iznos: "260,00" zamjenjuje se iznosom: "375,00"

Član 3.

Član 9. se mijenja i glasi:

"RVI-paraplegičari imaju pravo i na specifične lijekove i to:

INN	Oblik	Jačina	Zaštićeni naziv
sildenafil	tablete	25 mg, 50 mg, 100 mg	Viagra-Pfizer Luxembourg SARL.
	Film tablete	25 mg, 50 mg, 100 mg	Dinamico-Pliva Hrvatska d.o.o. Revatio-Pfizer Luxembourg SARL.
tadalafil	Film tablete	10 mg, 20 mg	Vizarsin-Krka tovarna zdraviil d.d. Cialis-Eli Lilly Export S.A.
verdenafil	Film tablete	5 mg, 10 mg, 20 mg	Levitra-Bayer Schering Pharma AG

- (2) Za urinarnu inkontinenciju i česti nagon za mokrenjem kod pacijenata sa nestabilnim mokraćnim mjehurom koji je uslovljen njegovom aktivnošću

INN	Oblik	Jačina	Zaštićeni naziv
oxybutynin chloride	tablete	5 mg	Ditropan ili lijek koji se nalazi u chloride prometu po osnovu interventnog uvoza do okončanja postupka registracije lijeka od strane Agencije za lijekove i medicinska sredstva BiH

- (3) Za liječenje bakterijskih infekcija, za sistemsku primjenu, svi antibiotici registrovani od strane Agencije za lijekove i medicinska sredstva BiH, a prema antibiogramu.

- (4) Za spazam mišića kao miorelaksans

INN	Oblik	Jačina	Zaštićeni naziv
Baklofen	tablete	10 mg, 25 mg	Lioresal ili lijek koji se nalazi u prometu po osnovu interventnog uvoza do okončanja postupka registracije lijeka od strane Agencije za lijekove i medicinska sredstva BiH

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-21121/11
28. juna 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. stav 1. tačka h) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 103. Zakona o zdravstvenom osiguranju ("Službene novine Federacije BiH", br. 30/97, 7/02 i 70/08), člana 15. Finansijskog plana prihoda, rashoda i izdataka Zavoda zdravstvenog osiguranja Kantona Sarajevo, a u vezi sa Zaključkom Vlade Kantona Sarajevo broj 02-05-6646-3.2/11 od 15.03.2011. godine, Skupština Kantona Sarajevo, na sjednici održanoj 28. juna 2011. godine, donijela je

ODLUKU

O DAVANJU SAGLASNOSTI NA PLAN KAPITALNIH ULAGANJA ZAVODA ZDRAVSTVENOG OSIGURANJA KANTONA SARAJEVO U JAVNIM ZDRAVSTVENIM USTANOVAMA ZA PERIOD 2011-2013. GODINA

I.

Daje se saglasnost na Plan kapitalnih ulaganja Zavoda zdravstvenog osiguranja Kantona Sarajevo u javnim zdravstvenim ustanovama za period 2011-2013. godina.

II.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-21122/11
28. juna 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 39. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 8. Zakona o imovini Kantona Sarajevo ("Službene novine Kantona Sarajevo", broj 6/97) i člana 113. Poslovnika Skupštine Kantona Sarajevo ("Službene novine Kantona Sarajevo", broj 25/10 - Novi prečišćeni tekst), Skupština Kantona Sarajevo, na sjednici održanoj 28. juna 2011. godine, donijela je

ODLUKU

O DAVANJU SAGLASNOSTI FONDU KANTONA SARAJEVO ZA STIPENDIRANJE I ŠKOLOVANJE DJECE BORACA I POGINULIH CIVILA - ŽRTAVA RATA "IKRE" ZA PRODAJU KOMBILJA

I.

Daje se saglasnost Fondu Kantona Sarajevo za stipendiranje i školovanje djece boraca i poginulih civila-žrtava rata "IKRE" za prodaju službenog kombija marke FIAT 290 DUCATO CAT MI, registarskih oznaka 260-J-142, godina proizvodnje 1990., broj motora 1328599, broj šasije 2900000038035, a koji se vodi u evidenciji osnovnih sredstava navedenog Fonda.

II.

Fond "IKRE" će izvršiti isknjižbu iz evidencije osnovnih sredstava ovog Fonda vozilo iz tačke I. ove Odluke.

III.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-21123/11
28. juna 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 39. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04), člana 8. Zakona o imovini Kantona Sarajevo ("Službene novine Kantona Sarajevo" broj 6/97) i člana 110. Poslovnika Skupštine Kantona Sarajevo ("Službene novine Kantona Sarajevo", broj 12/05 - Novi prečišćeni tekst), Skupština Kantona Sarajevo, na sjednici održanoj 28. juna 2011. godine, donijela je

ODLUKU

O DAVANJU SAGLASNOSTI ZA PRODAJU CENTRALE

I.

Ovlašćuje se Vlada Kantona Sarajevo da može dati saglasnost Ministarstvu unutrašnjih poslova Kantona Sarajevo za prodaju javnom licitacijom centrale Atc- ATC OM 60, koja se vodi u evidenciji osnovnih sredstava navedenog Ministarstva.

II.

Za realizaciju ove odluke zadužuje se Vlada Kantona Sarajevo.

III.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-21124/11
28. juna 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 28/04), Skupština Kantona Sarajevo, na sjednici održanoj 28. juna 2011. godine, donijela je

ODLUKU

O DAVANJU SAGLASNOSTI NA PROGRAM RADA ZAVODA ZA PLANIRANJE RAZVOJA KANTONA SARAJEVO SA FINANSIJSKIM PLANOM ZA 2011. GODINU

Član 1.

Daje se saglasnost na Program rada Zavoda za planiranje razvoja Kantona Sarajevo sa finansijskim planom za 2011. godinu koji je sastavni dio ove Odluke.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-21126/11
28. juna 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

PROGRAM RADA

ZAVODA ZA PLANIRANJE RAZVOJA KANTONA SARAJEVO ZA 2011. GODINU I FINANSIJSKI PLAN ZA 2011. GODINU

Uvod

Na osnovu iskazanih potreba Kantona Sarajevo, Grada Sarajeva i općina sa područja Kantona, zakonskih obaveza kao i saznanja o potrebi izrade prostorno-planske dokumentacije, na osnovu učestalih zahtjeva za stručno mišljenje, te sagledavanja problematike u oblasti društveno-ekonomskog planiranja i realizacije projekta GIS-a, Zavod za planiranje razvoja Kantona